


## 5.2 PART 2

### OPCION 1

Guarda aguesta fotografia e descriu era situacion. Ara seguida conversaràs damb er entrevistador en tot comentar es tues experiències e opinions sus eth subjècte dera situacion.



### PART 1- DESCRIPCION DERA FOTOGRAFIA

- Qué ves ena imatge?
- A on penses que son aguestes persones? Perqué?
- Quina part de dia penses qu'ei?
- A on penses qu'èren abans quauqu'ua d'aguestes persones?
- Qué penses que haràn dempús dera visita?

PRÒVA ORAU - LECTURA 12 -

### UA ACTIVISTA DE 16 ANS

Eth planeta Tèrra viu un cambi climatic. Açò signifie que qu'enes darrèri ans a anat aumentant era calor que i hè. Ei un problèma seriós: vò díder que i aurà mès sequèras, mens aigua potabla e mens cuelhetes, e mès ondades de calor e inundacions.

Es colpables son es gasi contaminants que vien, per exemple, des fabriques e des coches.

Damb sonque 12 ans, Greta Thunberg ja ère ben conscienta d'aguest problèma. Decidic que jamès tornarie a préner un avion, per tot çò que contamine, e convencec as sòns pairs tà que tanpòc ne prenessen cap mès. Damb 16 ans, dempús d'ua ondada d'incendis en un ostiu en Suècia, eth sòn país, comencèc grèves e protèstes entre es mainatges e mainades tà demanar as governants mesures urgentes contra eth cambi climatic.

Es sues protèstes s'an hèt famoses e per açò l'an convidada a parlar sus eth cambi climatic en amassades a on i assistissen caps mondiaus e grani empresaris. Insistís qu'ei un perilh e que cau actuar de forma decidida. Non se canse de demanar as governants que i trabalhen.

*Eth Tricicle*, num. 122 – 8 de hereuèr de 2019

### PARLAR SUS ERA LECTURA

- Qui ei Greta Thunberg?
- De quina manèra lute contra eth cambi climatic?
- Quines actuacions cres que se poderien hèr en tònc pòble o vila contra eth cambi climatic?
- .....